

透

東

一

年

自序

今日之世講求實學雖畢生致力猶懼不及迺枉拋心力作詩人其志趣之頽然審可知矣矧未必窺詩家之門徑乎顧邊關作客亦已三年其於課業之閒欲以釋勞生之勸則舍拈毫而外莫抒其興綜若干首付之鉛印鴻雪留痕庶不等諸飛塵野馬他日覽之亦以見當時之邊景羈情已耳爰命曰遼東小草

己酉仲秋下浣旌德呂清揚識於奉天女子師範學校

遼東小草



像肖近最生眉呂




遼東小草

起丁未四月訖己酉六月

旌德

呂清揚

眉



寄金曇如女士

白日去以速。歲月增離憂。采杞自盈掬。贈君置遠郵。餐
之勉茲味。境苦志自適。吾生歷艱險。身世上峽舟。所向
雖多阻。詎甘退中流。努力強不息。毋爲百年羞。此意自
珍重。道遠致綢繆。芙蓉渺天末。幸苦攀芳洲。

書懷

五種同球是比鄰。紅黃棕自我皆親。羣能有體原因愛。

遼東小草

一

368727

事到無情豈足仁。廿紀兵銷千古厄。六洲花放一家春。
蜉蝣歡苦憑君取。莫枉人間作此人。

欲促人文進大同。喚醒女學有驚鴻。萬花繞座休忝佛。
六藝登壇只啓蒙。羞把皋比讓男子。待看劣質盡英雄。
憑君寸舌鑄新腦。好振千年卑靡風。

遺蛻從憐百歲埋。精神未許葬蒿萊。漫教浮海乘桴去。
早挂輕帆入世來。功竟豈難惟學進。花開雖好要風催。
憤懷偶作頽唐語。起撥寒爐詎肯灰。

我生不願一百歲。但怨早生五百年。來日文明究何極。

此心關切總堪憐。待看蠻觸無爭國。豈有滄桑慨變田。
世進大同吾朽矣。通郵應不到冥泉。

題羽孺素蘭集

幽靈夜泣妖狐舞。白楊苦嘯秋墳雨。明末才姬去不還。
一編未許埋黃土。瑤光璀璨留人間。啼珠鮫客誰能覩。
美人遲暮託騷吟。何來玉佩捐湘浦。蛾眉見嫉古今憐。
殺青管振青蠅羽。芙蓉幕句柳梢辭。同抱傷心恨千古。
君不見嫦娥手捧金蟾泣。浪說飛仙奔月府。

即景

向晚意閒適。曲欄獨倚時。看他庭雀鬧。爭宿好花枝。

久交行

驄馬南來氣虹吐。道旁相見不相語。白眼看人借問誰。
曾是當年斷金侶。當年意氣凌雲霄。貞珉比志金鑄交。
千尋海水豈云極。百丈崧嶽難爲高。直教生死義相許。
披肝瀝血惟吾曹。何期日久情漸惡。一朝棄置如鴻毛。
翻雲覆雨嗟紛作。何須更爲傷輕薄。古誼論今君自迂。
世道人心豈猶昨。

瓶中殘花

海爲西流天爲春。猗歟彼美西方人。莊嚴豈屑迷陽城。

祝大連泰東日報 日本人發行

榮花妙具婆心。爲牖斯民意苦深。一紙爭知刊發日。
歡迎聲動海潮音。

曉鐘聲動東方白。睿智砭愚仰鉅文。此是生公眞說法。
半天花雨落紛紛。

同種同文誼倍親。憑將弱管結歡盟。從今東亞風雲態。
幻作祥霞筆底生。

泰東異彩煥嘉辰。十月欣看曙色新。
十月出版 虔藝心香祝

斯報年。年長共嶺梅春。

某女士以不得於姑而死詩以悼之

婪尾當春泣紅藥。林中有鳥鳴姑惡。綠窗幽女掩啼痕。
獨對花枝淚偷落。自言家世住蘇州。少小隨親作宦游。
鵲橋夜駕銀河水。一夕雙星渡女牛。徐淑秦嘉堪比擬。
金閨唱和歡知己。欣看寶炬結同心。笑指庭花開連理。
磨蝎星臨厄命宮。銀塘惆悵起秋風。孤鴛似妬雙開好。
未許蓮花並蒂紅。鼓簧無奈鶯聲巧。從此高堂意煩惱。
愛婢情移愛婦心。勃谿那管憐嬌小。無復臨窗點翠鈿。

嗅得殘花感自深。鞦韆紅欲謝。爲儂禁。明知零落衰顏色。
尙惜餘香伴苦吟。

清芬爲惜凋零日。也解人間覓賞音。萬點憐君辛苦意。
亂飄香雪入青琴。

花枝向我莫悽然。長供金瓶小案前。豈獨深情愛芳紫。
枯時更比盛時憐。

偶檢巖幾道先生去秋過津門作字一幅以贈末
書梅生女詩家正余殊未敢當也

先生灑墨驚風雨。揮毫紙上蛟龍舞。書成不敢挂東堂。

爲恐精靈夜竊取。大書爲署女詩家。過情之譽母乃誇。
自憐一瀉胸臆耳。苦吟歲走天之涯。銷磨拈韻浮生裡。
推敲應愧雕蟲技。安得一吸江海水。吐向毫端潮音起。

題西洋美人畫

西方美人淑且貞。超然獨立遺世塵。花冠不戴鬟不綰。
黃金髮散連卷雲。修蛾蹙綠新月偃。雙瞳翦碧秋波橫。
中峯秀起隆瓊準。丹唇一顆燃春櫻。螭螭廻引側半面。
含情欲語將誰顰。粉胸嫩露裏紅罽。惟憐未得窺全身。
天然佳麗豈凡艷。驚鴻態度游龍神。嫣然一笑奪天地。

疾牽二豎竟纏綿。紅蘭遇雪徒增怨。紫玉傷心已化煙。
瀕危猶稽飛蓬首。一載慙癡奉箕箒。來世金銀侍膝前。
補愆庶不慈恩負。怪泣鴝鵒暮雨昏。梨花落盡不成春。
孤墳空綠年年草。豈獨情傷奉倩神。三更月冷啼聲苦。
枝頭好聽冤禽語。應慎人間待字身。阿姑亦有閨中女。

古劍行

寶劍切石如切水。夜夜躍鳴雄欲起。憶追窮騎單于逃。
風沙一震天容死。斬虜建勳血點殷。滴作胭脂塞花紫。
壯士由來重報恩。黃金臺上酬知己。而今邊靖樓蘭朝。

更無人佩誰磨洗。願挂徐君墓樹表高義。羞藏玉匣金函裏。

郊游

畫裏人家山作屏。更看草色綠前汀。芳郊盡是生生意。莫遣鸞靴浪踏青。

墓門紅雨落紛紛。捫讀煙藤斷碣文。畢竟春風憐永逝。歲吹芳草綠孤墳。

嬌鳥憐春也解吟。杏紅梨白隔溪林。游人豈爲看花樂。願種桑麻徧綠陰。

休嫌積潦阻游人。多少愚農正賽神。一雨但教南畝足。
何妨花好不尋春。

感詠

老鴟嚇腐鼠。惟恐奪其食。高翔笑鵙雛。報以練桐實。嗟
爾小器度冥冥。何以妄測高飛翼。噫嘻不獨卑微小鳥
趣如此。冷眼窺世我亦爲之長太息。

海上

霞明海天晚。絳霧何冥冥。激灑天際波。一碧蕩空明。岸
靜闐音響。惟聞齧浪聲。此時弄扁舟。悠然生遠情。散我

連卷髮。天風吹冷冷。淡我胸中慮。鷗鷺不相驚。海昏怒浪起。一葉東西傾。詎甘波濤險。良勝大陸平。波濤有時靜。大陸多崎嶇。容與望中流。一笑謝塵音。雙槳鼓前進。豈識霧雲深。

題友人所贈日本山水畫

海波淼淼山蒼蒼。山之阿兮峨雲房。此時天風靜不動。海底月浸波光涼。妙哉圖畫誰所贈。繫惟吾友來扶桑。我聞東海有國只三島。廿紀突躍優勝場。亞東之強數先進。抗手歐墨雄東洋。立憲之政國體備。藝術文物尤

發皇神州帝國古支那。遙遙一水隣相望。繼聖承先守
不變。嗟我大陸其洪荒。生逢專制苦馳驟。國民之氣何
不揚。方今廟堂勵圖治。亦將鑒茲唇齒邦。紛紛鷗鷺苦
猜忌。輔車之義宜相匡。安得手傾碧海水。白禍洗盡黃
種強。披圖欲作乘風想。願適彼土觀其光。吁嗟一葦安
可航。豈徒游宴而徜徉。

過榆關游角山

南天海湧搖晴漪。北山雲暖藥苗肥。我來登臨覽陳迹。
長城萬里空斜暉。古今興廢原天演。憑弔何足生悲歎。

愀然遐想忘高吟。振衣千仞獨立時。俯視塵寰何擾擾。
奔騰人海紅塵飛。君看足下煙雲起。繚繞何曾縈我衣。

讀謝皋羽西臺慟哭記

楚些悲歌招不得。忠魂夜嘯波濤黑。西臺爲位豈酬恩。
知己痛公猶痛國。江水爲咽峯失翠。漫天秋雨孤臣淚。
想當擊碎竹如意。慟哭擊石石應涕。

枕上

鄉夢初回枕上情。不聞啼月有嬌鶯。隔花漸淡銀河影。
知是春宵已四更。

漫興放歌

關山久羈旅。甯復感歲華。吾愁引難起。爾自吹清笳。時
或情亦觸。聽我言無譁。有時望親舍。長被白雲遮。有時
聞鵲鴿。使我生嘆嗟。更懷同心友。秋水念蒼葭。報我平
安書。雙鯉發天涯。寄我相思字。雲際雁行斜。書還一歡
慰。笑復酌流霞。日作三小時。勞心亦不奢。課餘自讀史。
暇更玩奇葩。三徑雖無菊。一室長有花。伏臘許休憩。遠
游飛汽車。人生本行樂。奚足計邇遐。作客亦自好。寰球
胥我家。

夜坐

樹下納涼陰。枝疎見星漢。明月還未來。清光一何黯。低
枝雀夢驚。小窗風葉亂。習習羅袂輕。不用搖葵扇。孤螢
欲上衣。熠熠情何戀。忽穿花外去。還來繞曲檻。抑知愛
宵景。來作幽人伴。低吟已忘寢。城頭更漏換。宵涼豈不
知。爲汝坐夜半。

自嘲作詩

偶學作詩消歲月。不能酬應只閒歌。驚聞索和情何似。
渾似聞歌喚奈何。

未能協律調音調。出韻硬吟尤有之。自笑生平講公理。
施將專制只欺詩。
鎮日低徊覓旬行。莓苔難使綠幽庭。苦吟不覺腰圍細。
人道眉峯減舊青。

秋懷

秋城砧急秋風吹。隴雲低飛木落枝。爲問朱顏幾時好。
驚看白日無情馳。往事莫挽西流海。高歌欲采南山芝。
百年擾擾塵夢耳。放懷自得聊題詩。
驚馳四序促景光。木葉黃落雁南翔。衰蕪敗芷秋風晚。

荷衣蕙帶空山涼。人生豈必盡得意。世事於今多參商。
蟋蟀苦吟亦不惡。吾歌汝和情悠揚。

擬古

辛苦擷幽蘭。贈君紉秋佩。中情自芳潔。豈徒託歡愛。
道遠遺芳馨。歸來淚如雨。豈爲美人憐。珍重寸情苦。
憔悴江干道。涕淚盈懷抱。枳棘滿春風。欲采無芳草。
敗芷咽秋煙。荒蘭鬱幽渚。一自湘靈遙。年年怨風雨。

紅絲怨

深閨女兒如花艷。標梅未許春風怨。珍重明珠待字身。

金張家世人爭羨。嶺南孤客滯幽燕。顧影翩翩喜少年。
廬扁偶然施薄技。春回妙手欽時賢。鸞飄鳳泊頻羈旅。
秦樓未遇吹簫侶。聞道雲英未嫁年。求凰欲奏撩情緒。
何期阿兄意綢繆。體情無須託蹇修。一帙眞容轉先贈。
玉臺有聘聊相酬。瓊漿未飲成惆悵。藍橋水溢盈盈望。
阿兄倏苦壻鄉遙。不堪遣嫁椒花瘴。致詞爲謝百兩車。
傷心不復歌桃花。郎情自重兄自薄。我心匪石空悲嗟。
紅絲莫續癡猶戀。歌哭無端豈相見。不是接輿避世情。
非關箕子佯狂諫。而翁遠來涕沾裳。顛兒携去歸故鄉。

高樓有女應未覺。身南心北長相望。離天莫倩媧皇補。
爭使聞言爲酸楚。料想朝朝一瓣香。猶對眞眞淚揮雨。

時悲

星球一顆飛如燐。中有燦爛萬象陳。都道日進世界新。
豈知元素皆酸辛。方憐花好忽墮茵。迴看滄海已成塵。
回黃轉綠詎有因。但教宛轉隨此身。翻覆豈怨帝不仁。
蜃樓海市原爲眞。朝憂掩涕暮爲顰。惟憐此意徒愛親。
荃衷耿耿孰與伸。底須茹苦還自珍。勸君可怒君莫瞋。
朱顏玉貌難長春。

夕陽

欲墮紅猶戀。樓頭晚更明。應同離別意。誰識此時情。

雜詩

江上芙蓉花。娟娟顏色好。豈無西風來。紅顏詎長保。花
落江之湄。煙波浮浩渺。却羞桃李英。零落隨百草。臨風
不求采。爲謝花間權。鸚鵡却有情。來伴幽芳老。
蕭蕭窗下響。開軒秋已暮。霜葉紅於花。飛來猶濕露。忍
使辭高枝。爲鋪幽曲路。西風忽一來。吹散還如故。孤心
竟何成。爾亦應少住。劇憐徒苦辛。飛去猶回顧。

崇蘭滿沅湘。暗露羞幽篁。忍闕空谷裏。要生官道傍。枳
棘與榛莽。咸使被芬芳。臭味期同化。無慚王者香。孤志
久彌篤。芳澤播遠長。雖共惡草植。荒穢庸何傷。

西風何處來。吹我空庭樹。老幹經霜久。不作風葉舞。豈
無悲秋心。忍使秋心吐。唧唧三更月。金井蔭蟲語。一吟
情已悲。再咏心尤苦。爲勸莫宵征。無人解憐汝。

奉酬王揖唐先生

仲宣吾鄉豪。山嶽氣崢嶸。仰吞日月光。吐作世界明。壯
游走遼瀋。豈爲宦情撓。亦欲覽山川。一抒豪宕情。何期

客中遇。投詩誼自殷。捧誦謬矜許。使我顏爲頰。願君揮
戈手。怒浪斬長鯨。風雲一叱咤。天下看澄清。元勳垂竹
帛。芳馨千載名。

贈舒彬儒先生即步揖唐原韻

憂國常教涕似瀾。靜觀時局判悲歡。肯傾白墮權埋醉。
只爲蒼生繫此官。紫雁龍沙秋色遠。黃花驛路朔風寒。
知君一笑揚鞭去。惟有新詩壓錦鞍。

奉酬王茂卿先生卽步見贈原韻

曾說雷陳結素歡。公與先君交最厚 摳衣瀋水謁金鞍。欽公政

畧垂邊徼。笑我詩情似冷官。孤夢頻迴喬蔭失。陽春高
和嶺梅寒。琳瑯讀罷香生舌。起看文章筆底瀾。

感悼石華

婉約風流孰與儔。生憐濁世解離憂。也知帝爲清芬惜。
特遣優曇一現收。
熱血焚枯淚日乾。不教銜石海漫漫。精靈應化金蟾魄。
長向人寰照苦歡。
豈獨才華媿左芬。奇情磊落自趨羣。傷心猶聽人爭說。
南國佳人總讓君。

素志難教堅忍成。人天撒手車含情。星球爲看攘攘輩。
一任黃金鑄令名。
骨作輕塵塵已消。不須芳冢更清寥。倩魂才喜因風化。
何事巫陽苦見招。
蕙歎芝焚意已冰。爲君哀怨總填膺。生平厭作傷心語。
太上忘情恐未曾。
百劫千灰迹可哀。只緣花雨綴靈臺。祝君永住華嚴界。
莫再匆匆入世來。
土蝕金鈿歲幾經。惟餘妙目見秋星。爲君豈獨增哀思。

多少春魂。未醒。

小院

感吾國法律之苛刻而領事裁判權之難收回也

儂家地。小青苔院。從來不許輕塵染。重門靜掩。自年年。
不識人間春近遠。東皇意。豈憐寂寞。爲遣飛英。示繾綣。
西鄰狂花。過牆來。東家舞絮。吹欄滿。欲窺繡閣。瞰金屏。
直逼主人珠簾捲。顛飛酣舞。特輕盈。拂袖黏鬟。竟忘返。
錦鳩鶯兒。枉斷腸。雕梁燕子。應迷眼。林園何處。不飛花。
花飛那必禁池館。但教宛轉。逐風來。豈有堆庭惜苔蘚。
顛飛酣舞。竟誰引。若無所藉力。應軟。應恨儂家小院春。

風狂。休怨落紅不受吾拘管。春風春風應少緩。

朱樓女

未樓花外凌雲起。其中綽約誰家子。日高睡起倦星眸。
扶坐妝臺鬢雲理。靈蛇寶髻倩人盤。舞鳳金裙呼鬢繫。
自憐嬌小慣依人。不肯纖纖勞玉指。施朱傅粉過三時。
妝成對花花羞死。薰香竟日坐高樓。佩玉鳴珞曳羅綺。
有指豈必縫衣裳。有日何須誦詩禮。在家自有爺孃憐。
出嫁但求藁砧喜。一生食著不須憂。何用區區去爲此。
偶然咏絮鬥清才。爭道芳名艷鄉里。題詩不用自裁箋。

侍硯添香有諸婢。腦筋不勞身自閒。我亦羨卿深閨裏。
但有一言贈娉婷。香山之咏良有以。百年苦樂由他人。
好誦斯詩應使淚如洗。

送崑秀四妹由天津南歸

憶昔慘痛折靈樁。有母四兒孤無親。伯氏將在當嫁年。
叔季幼穉渾天真。悲號與姊日泣血。余亦及笄當妙齡。
吾親多女亦自足。慰情勝無娛昏晨。負郭有田二千頃。
倉廩常豐未爲貧。熒熒母子影相守。亦將樂此春復春。
暖衣足食嫉強族。以暴陵弱時見瞋。覆巢毀卵去鄉里。

相携痛哭長河濱。途窮日暮空躑躅。朔風誰憐吹葛巾。
慈親有訓勉自立。委身女學奔風塵。負米各走千里外。
生女庶不差鄉鄰。而今喜能供甘旨。不憂食糞衣懸鶉。
長松擎雪轉蒼翠。危石懸崖愈嶙峋。不教老死困閨閣。
蒼蒼始信皇天仁。躊躇此日差滿志。低徊往事猶酸辛。
燈前昨夜接家書。爲道高堂白髮新。函商往復遣予季。
歸侍庭闈老病身。自憐出塞三年客。執手送歸猶未得。
欲折垂楊遠贈君。遼東三月無春色。應知有姊送登程。

謂碧城
三妹

汽車飛去孤煙黑。今宵有夢渡黃河。

妹乘京漢
路車歸

此心遙去隨君側。入門未見應先呼。歡動慈顏喜無極。
殷勤爲我報高堂。兒今體壯身愈長。春風待得百花香。
明歲歸來捧壽觴。

送雪琴女士

壯遊此去未爲非。肯效兒女生悲歎。人生離別一握手。
莫使痛淚雙沾衣。

雲山蒼莽萬里行。却羨送君登遠程。汜笛一鳴去何疾。
孤煙天際猶縈情。

輓張筱圃先生

人嗟梁木壞。我爲斯文痛。金鑿慘不宣。何以詔來衆。
教澤濡何深。春風慘桃李。會看矗豐碑。峨峨爲公紀。

時奉天學界議釀金立紀念碑

席珍敢云聘。皋比忝茲位。詎關鍾期感。邦國悲殄瘁。
陽湖返旅櫬。不回使君驂。詩成楓林黑。魂兮哀江南。

廖夫人家試馬

芬華夫人意氣隆。邀我暢話精舍中。夫人之家多騏驎。
爲我盛道欣動容。小豎牽來請一試。不辭上馬如騎龍。
揚鞭猶有舊時態。院濶那得馳花驄。翻然下馬意惆悵。

念歸水遠復山重。鄉居苦憶侍親日。學圃復教學老農。
五月麥畦金布地。三秋禾隴青搖風。田家歲穫須自督。
不然聽與由田翁。鄉野去城動十里。徒步不堪勞此躬。
東臯南畝走無暇。自騎瘦馬携頑童。輕蹄緩急仰人意。
垂鞭低玩山花紅。進城每使戴星入。如盤明月方升東。
慈親備餐望門外。到家繫馬庭樹叢。厨中蔬食亦自好。
燈前笑語收歉豐。而今此樂杳如夢。踏雪又作遼天鴻。
據鞍顧盼轉情愴。天涯歲歲悲游踪。

女國民歌

顛圓趾方靈萬彙。拜謝耶和華厚賜。奈何男女區尊卑。
五洲溯始同一例。抗手男兒須自強。自強唯一從自治。
於戲女國民。奮發勉志氣。

妙齡勤學須努力。秋螢冬雪攻緗帙。西游歐米東扶桑。
絡繹重洋爭負笈。學成一雪依賴恥。高高彩幟舉獨立。
於戲女國民。廿紀飛騰日。

男女獨立同五洲。謀生有學當自籌。惟蜂採花猶辛苦。
仰食於人母乃羞。學由普通專科進。性近美術尤勤求。

於戲女國民。職業須自由。

別足非關抱璞情。金蓮貼地可憐生。一朝喜共黑奴釋。
還我圓趺天賦形。塵塵大地浮空轉。好蹴星球促進程。
於戲女國民。從今放步行。

手披西史何太息。孤村有女名達克。英風一叱敵不前。
保種還教保宗國。千秋萬禩留馨香。喚起香魂繼芳迹。
於戲女國民。墨雨歐風急。

家庭教育關鉅要。植基惟在稚齡導。枝頭先綻芳馨花。
碩果纍纍結後效。改良種性育國民。黃金前途希汝造。

於戲女國民。五洲足誇耀。

夜寄曇如

竹風瀉露靜中間。山館秋生坐夜分。
迢遞數聲燈暈碧。拖音水鳥入涼雲。
閒坐挑燈吐玉蟲。西風如水透簾櫳。
一宵秋思知何處。半在曲欄紅豆叢。

自勵

壯歲進應銳。光陰只一彈。有爲亦若是。來日豈其難。
莫藝千頭橘。休滋九畹蘭。及時吾出矣。眞惜老江干。

廿紀漫漫曉。晨光女界明。聲華思盛日。堅忍勵平生。臨
海襟期濶。看山意氣橫。太平洋有水。一洗女兒情。
大好女兒質。也登物競場。扶搖須自上。淘汰慎先防。軀
殼終憐蛻。精神始足芳。莫隨秋草腐。千載顧茫茫。

明河篇

花裏明河漸西側。憑欄悵望當遙夕。天上莽莽驚濤拍。
下界惟看星氣白。片雲舞輕帆。飛渡銀漢北。年年應有
泛槎客。

泛槎維何。爲苦滄海多風波。舉裳鼓枻游天河。噫嘻天

河亦有蛟鼉。怒吹腥浪孰敢過。廻帆引櫂何可泊。天上更覺風波惡。

天風吹濤聲颼颼。人間天上同煩憂。幾曾來去浮仙舟。空見茫茫入夜流。驚鳥啼。疏星燦。玉繩向曉影漸淡。坐對明河獨長嘆。

溪上

溪上芳菲嬌柳杏。繁花幽照溪邊影。叢林好鳥自相呼。爲說晴和春晝永。劇憐一陣東風惡。萬點胭脂蓋漁艇。鵝陣驚分雀不喧。荇開藻亂波難靜。溪頭風浪猶如此。

何處人寰覓幽境。君不見漁翁盡日眠石磯。花落花開
那曾醒。

夜吟

伏讀苦神倦。出戶步中庭。明月照蟲語。嚶嚶草內聲。俛
視人影瘦。仰看星漢橫。桂陰聊佇立。一吸露氣清。涼風
何處來。吹我羅衣輕。浩然風露冷。夜已近三更。歸寢還
小坐。哦詩句忽成。孤燈耿欲滅。留光似有情。虛室自生
白。豈借爾爲明。

秋望

驚飛鵲去鴉爭勝。佔得喬林噪晚煙。好是無言老秋樹。
搖情中立夕陽前。
不識淒清景色窮。寒花猶媚夕陽中。看他旭日旗何壯。
故卷秋高百尺風。

詠懷

綺歲詎蕭瑟。寸胸秋已迎。看人情自古。飲水淡同盟。花
莫憐盛衰。春原多雨晴。年來何所進。只覺道心生。
一室坐禪寂。時還逸興長。詩難戒頑艷。曲愛撫清商。身
住有情界。內典凡有知覺
物曰情世界心空選佛場。微嫌散花女。多

事墜芬芳。

香花

香花一色傍欄栽。泣露臨風向曉開。不惜芬芳爲君送。
翻嫌喧引蝶蜂來。

曾惠敏公歸樸齋集有詠維多利亞花詩小引云
英吉利有游阿美利加洲者觀奇花產澤中花
大如車輪葉周十丈爲其博大清妍特異凡卉
因以英女主之名名焉讀之因賦一章其視曾
侯之詩固陋遠矣

天風吹墮千片霞。紛落美洲幻奇葩。一朵如輪葉十丈。
葳蕤紅粉枝低斜。應是媧皇奠英瑞。帝名嘉錫增光華。
雌龍威震寰球遠。渾似芬芳播邇遐。迄今政策秉雄略。
日惟拓土何驕奢。五洲愁煞春風起。紅徧維多利亞花。
和無名女士春閨寄懷之作

旅燕年年塞上游。芳塵悵付海西流。新愁似絮難拋撇。
春夢如雲不自由。已分天涯成寂寞。慵書花葉寄綢繆。
曉星漸覺情光黯。猶爲離人照小樓。

惆悵江皋路幾重。將離歲歲長芳叢。西洲夢斷蓮垂碧。

南國春深豆不紅。斜月照殘金屈戍。新詞愁譜玉玲瓏。
吟成莫上層樓望。多少垂楊怨曉風。

寄伯姊惠如

笑共辭家別。何須醉濁醪。生涯原擾擾。江漢逝滔滔。久
客翻憐慣。分飛亦自豪。相期莫相憶。鴻漸正秋高。

寄酬仲周先生

漆室幽憂爲底鬢。空餘情淚一沾巾。陸沈風雨漫漫夜。
大好江山寂寂春。豈有刀環能報國。已拚身世寄輕塵。
羅蘭心事勞君望。應愧西方彼美人。

偶興

三年來作遼東客。地氣天時異南北。春時後。春秋早。秋一年多見風沙色。出門雖苦黃雲愁。入室還堪舒體魄。塵右有史左有琴。芸編插架明金碧。案頭新綻女史花。清芬坐對當清夕。三叢五叢八九叢。叢叢低葦垂瑤席。貫耳那聞霜角哀。窺窗不管寒月白。興來一歌琴一曲。豈識邊關盡蕭瑟。

傅竹湘先生爲人作巨幅山水云。適携去。惜余未
觀。因口占一絕。

莫觀雲煙筆下痕。客懷翻喜不消魂。只緣展畫添鄉思。
怕看江南黃葉村。

贈龔筱蘭

龔生女界豪。脩脩孤鶴姿。懷抱負奇氣。韞璞誰復知。問
字從我游。質難每慚師。更隨走遼海。三載寄東陲。亦能
出所學。設教擁皋比。他山喜能助。磋切實相資。芳馨蘭
一握。采之欲遺誰。美人傷已遙。長愛讀騷詞。余懷殊渺
渺。君志何巖巖。有時厭囂競。遐想情爲移。願謝紛紜世。
同采故山薇。有時感炎濁。何以沁心脾。願涉崑崙頂。同

看秋雪飛。閒共研書史。學詎藩籬窺。深歆古聖哲。千載
迹難追。三氏垂宏教。仁愛及慈悲。名區儒耶佛。同旨殊
塗歸。相勗儀先民。吾道勉在茲。春華紛易謝。惟餘霜雪
枝。勁節晚彌翠。與子松柏期。

送春有感

鶯啼何處錦枝空。誰道林園花事終。南浦悲吟總遺愛。
東皇小駐豈爲功。忍看曲苑驕新綠。都爲狂風卷落紅。
多少芳菲未開盡。不應春去太匆匆。

贈金錫侯先生

先生意氣豪。仗劍賦東征。擊楫渡遼水。桑梓來故京。遺
我詩一卷。誦之金石聲。豈徒詩人目。久欽政治名。潛龍
伏深淵。惟待風雨興。先生畫龍詩有不畫萬
全身偶然露牙爪之句願茲雲霧
隱。誰識百甲靈。慨然發嘯歌。直教山海驚。恤緯尤多感。
行吟憂國情。微茫望東方。東方晞未明。

諸生贈花戲作

蝸居斗室如舟窄。春至忽成衆香國。諸生憐我太清寥。
爭餉花枝助春色。梨紅杏白繁英搏。金瓶花滿枝低側。
不教啼露惟含笑。花投所好欣自得。所憐離樹易凋殘。

紛落地衣如錦織。天公幻花妝世界。因愛折來太殘賊。
綠章好奏通明殿。非借春陰嚴自効。

酬張貞午先生

拋磚謬引玉。

拙詩奉題
大集

捧誦喜難禁。瓣香聊貢意。遂邀

白雪吟。矜許一何厚。踟躇生寸心。學繡亦已拙。遑云度
鴛針。春風慚無力。桃李自成陰。曷若商巖起。八表長爲
霖。載賡酬雅什。勝錫雙南金。

寄和碧城

浩浩高秋凝暮烟。半林霜葉尙爭妍。惟應冷眼看時謝。

轉綠回黃又一年。
空憐廣樂夢鈞天。我欲驂鸞詣上仙。怪道年來風浪惡。
長教滄海不成田。
天花著處自成飛。一綴靈臺爲底悲。世界剎那千萬劫。
文殊何事苦低眉。
已看蒼狗悠悠盡。何事人間佇苦辛。好向天風聽濤去。
自由自在兩吟身。

種花

去年嘉卉植芬芳。中庭綠色迷斜陽。今年種花當瑣窗。

芳條已抽三尺長。年年種花花笑癡。作客豈待花開時。
辛苦種留後人看。尙恐礙戶憎芳枝。

滬報載某女學生以被誣自盡詩以弔之

清芬窈窕貧家女。年年茅屋牽蘿補。詩書喜誦嬾縫裳。
秋燈夜讀停機杼。珠淚偷彈暗自憐。女蘿絲附締姻緣。
明知早賦天桃害。要藉東床助學錢。滬濱肄業遵兄命。
學業駸駸喜能競。女伴爭憐桃李顏。同羣詎識冰霜性。
鵲橋未駕湧風波。別會雙星暗渡河。黃姑反忍天孫棄。
白璧誣瑕孰與磨。含悽掩涕腸千結。絕命詞成書和血。

潛飲霞膏送此生。女兒心性由來烈。白柰花開暮雨昏。
千秋冤冢留乾坤。歌成雲慘天容泣。欲爲貞姬叩帝闈。

○空谷佳人

空谷有佳人。清芬表千載。漫山長芳蘭。無贈已忘採。翦
裳集秋蓉。梳鬟照春海。山鹿銜花來。插髻增風采。豈甘
幽荒老。寂寞人寰外。春駐窈窕顏。由來無怨愛。憐彼如
花人。深閨斂蛾黛。惟愁芳歲殘。一夕朱顏改。

慨詠

生存華屋處。零落歸山邱。每誦沉痛句。愴然雙涕流。詎

使雙涕流。呼酒且登樓。有花須盡醉。有山惟徧游。莫使
百年閒。虛度笑蜉蝣。朱顏晨鏡中。暮照憎白頭。白頭嗟
未已。悲風號松楸。死而奚足悲。生亦浮輕漚。不見壠中
人。長眠自悠悠。奈何後歸者。猶爲涕難收。笑問蒼蒼天。
塵事何時休。宿草生吾面。還有幾春秋。

酬孫師鄭先生

康成久沒世。譚經誰復傳。乃有儒者徒。師古精稟鉛。著
述等身富。一室叢簡編。歐化自東漸。漢學不變遷。茫茫
拾墜緒。國粹賴以延。願願孰能肩此。嗟哉孫子賢。

深閨有一士。久作遼天鶴。枳棘雖不棲。飛羞附鵬鷖。世態方熙熙。余懷殊漠漠。薄游遇津沽。論道爭糟粕。季世麟鳳游。非祥轉成惡。片語持贈君。相期保明哲。

悼舊

有美一人淑無忒。幽憂爲疾常惻惻。一自靈旗逝不還。神光不復輝南國。哀狝啼烟鬼嘯雨。悲來欲共冤魂語。吁嗟乎。玉骨埋塵終萬古。人間乃有無情土。

詠懷

寄生百歲中。緬懷千載上。悠悠思古人。坡隴徒蒿莽。感

茲悲露晞。胡爲寓塵壤。百歲亦已促。那復常惘惘。超然物外游。六合勞遐想。持此高曠志。孤芳期自賞。毋使落塵音。何須引清吭。願言翔空冥。縹緲孤鴻往。

信筆

擾攘盡日星球裏。我生勞勞殊未已。此心即是太平洋。濤影潮音日千起。磨旋熱蟻擾五洲。清涼何處迎素秋。此身欲住冰世界。昨夜夢探北極游。



#52
10/6/35